

զուղղափառուն. սակայն հիանալի գործն այս է, զի պատրիարզն կոչեալ է զբազմութիւն եպիսկոպոսաց, իշխանաց և քահանայից, և յայտ ամենեցուն արտաքոյ ամենայն ականաւ լութեան, կոչեալ առ ինքն զգրիգոր վարդապետն վէթիլ երուսաղէմի, տուեալ է զգաւազան և զմատանին զիւր, և արկեալ գնովաւ փիլոն շքեղ, լուիլու ամենեցուն ասացեալ է. կեցցէ գրիգոր վարդապետն պատրիարգ կոստանդնուպօլսու, ընդ որ յապուշ հարեալ ամենեցուն, չգիտելով զայլ ինչ առնել, սկսեալ են և նոքա զնոյն ասել, և իսկոյն տաւրեալ են առ վէգիրն. և սա ազդեալ թագաւորին, պատմեալ է զամենայն. և թագաւորն հաստատեալ է զնա գլուխ հայոց ազգին. իսկ նալօղլուն հրաժարեալ ի պատրիարգութենէն գնացեալ բնակեալ է ի իւսկիւտարու վանքն: Բայց զմեր սէրգիս վարդապետն ոչ են թողեալ դատարկ, զի վասն լինելոյ նորա երիտասարդ, կացուցեալ են նմա զտարգիս վարդապետն իբրև չափարակ, և զվէթիլութիւնն Երուսաղէմի տուեալ են նմա, որ է մեծ լօխմայ: Իսկ գրիգոր վարդապետն որակութիւնն այս է. զի է կէնճ, սամաթիացի, ծանօթ ուղղափառաց և ուղղափառութեան. հանգարտ բարուք և սիրօղ խաղաղութեան: Իսկ թէ պատրիարզն ընդէր արար զայս, յայտնի է, զի երկու են պատճառք, մի՛ զկնի մահուան իւրոյ մի ծնցի աղմուկ և կործանումն ազգին. և երկրորդ, զի մի՛ զուցէ լինիցի պատրիարգ ոք յիւրոց ատելեաց, կամելով վրէժ խնդրել ի նոցանէ ի կենդանութեան և ի մահուան. յաւելեալ լինի և այս, զի լինելով ինքն փառասէր, կամեցաւ առնել զայս, զի զարմացուցէ զամենայն վասն իւրոյ քաջութեան, ոչինչ լինելով ինքեան յայլուստ փաստ, գիտելով զի ինքն ոչ էր ապրանաց...:

Նուստ ծառայ

1764 յուլիս 7

Հ. Մկրտիչ Անանեանց

[Հռովմ]

ՄԻԸ.

Իբր եզրակացութիւն հետագայ նամակին՝ կ'անդրադարձնենք, թէ Ս. Ղազարու Միաբանութեան համար շատ հին է՝ ի Հռովմ Ուխտիս վանատեղի մ'ունենալու ծրագիրը: Ինչ որ նոյն ատեն անգործադրելի մնացած է՝ իրականանալ սկսան կամաց կամաց ժամանակի ընթացքին:

Գերշարգելի

Տեղին գիտեալ ի մէնջ ի ստանալ ի Հռովմ, է ի մօնթէ զաւալլօն ի մին յեօթանց բլրոցն հոմէականաց, ուր վասն գերազանցութեան տեղւոյն և օգոյն, պապն և այլք ոմանք ի մեծամեծաց ունին զկայանս: Տեղին մեր հայի ի հեռուստ առ պալատն պապական, որպէս ի նկարագրէն տեսանէք: Ընդ պողոտայն որ առաջի մերոյ տեղւոյն, անցանէ ստէպ պապն հանդիսիւ. սոյնպէս և այլ մեծամեծք: Շուրջանակի զնովաւ են բնակարանք մեծամեծաց, և վանորայք կրօնաւորաց և կուսանաց. սակայն մեզ ոչ տան նեղութիւն, և ոչ մեք նոցա, վասն զարմանալի կերպիւ որոշելոյ ի միմեանց, և առ միմեանս չկարելոյ նայիլ. ուստի մեր տեղին ամենեւին է զերծ ի հայեցուածոց աշխարհականաց և մանաւանդ կանանց: Շինուածն է հին և վաղնջական. ուստի որմունքն որք ի վերայ ճանապարհին, են իբր կիսաւերք. սակայն ոչ տան փնաս. իսկ ի միջին կողմանէ բոլոր շինուածն է հաստատուն և բարի, վասն լինելոյ նորոգեալ և յօրինեալ ի յապաթէ ֆառսեթթիէն: Տունն է երկու դաթ. վերին դաթն է զարդարեալ պիտանի և զեղեցիկ կարասեօք. իսկ ներքին դաթն ինչ ոչ ունի, որ վասն այժմուս լինի մեզ բնակարան բաւական չորից և հնգից, ունելով զտեղի մատուռի, սեղանատան, խոհանոցի, և այլ ամենայն պիտանաւոր տեղոց. իսկ ի ներքոյ ներքին դաթին ունի զբազում մտադադայս և զեռնաւունն, ըստ սովորութեան Հռովմայ: Ունի տեղին ի շինուածին և ի պարտիզին զուրն և